



Umiarsuarni inuttat pillugit inatsisip Kalaallit Nunaanni atuutilersinnejarnissaannik peqqussutip Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

Ineqarnermut Attaveqaqtigiinnermullu Naalakkersuisoq

Siullermeernera

Peqqussut Namminersorlutik Oqartussat akuersinissaat pillugu Inatsiartut Aalajangiiffigisassaattut siunnersuut saqqummiuneqartoq pillugut Partii Naleqqamiit imatut oqaaseqaateqassaagut.

Partii Naleqqami umiartortut atugaat pillugit pitsangorsaataasussat aammalu nunatsinni nunaqavissut atorluarnerulernissaat pillugit ilungersuuteqartuarnitta ilisarnaatitta ilagilluinnaalersimavaat.

Taamaammat inatsisartut aalajangiiffigisassaattut siunnersuut soqutigilluinnarlugu pisarnertut sukumiisumik misissorluarsimavarput aammalu naliersuilluareerluta siunnersuut annertoorujussuaq aammalu teknikitalerujussuaq aammalu imartoorujussuaq pillugu makku saqqummiukkusuppagut.

Naalakkersuisut inatsisissamut siunnersuummi saqqummiinerminni naggasiullugut oqaasertaliussaat issualaarpaa:

Issuaaneq aallartippoq:

Peqqussutip matuma akuerineqarneratigut ilaatigut siunissami kalaallit imarsiortut nunani tamalaani imarsiornissaat ajornannginnerulissaaq.

Issuaaneq naavoq.

Partii Naleqqamiit isumaqarpugut umiarsuarmi inuttat ima ilinniarluarsimasitigisut taamatut periarfissaqareersut, kisiannili illersugaanerat aammalu atorluarniarneqarniannginnerat aporfii annersarisimagaat.

Kalaallit nunatsinni umiarsuarmi inuttat aqumiut ilinniartitaanerat ajukkunnannngilluinnartumik ikorpassuanngortuni inissisimavoq, tamanna kalaallit umiartonernermermi ilinniariifianni soraarummeernermermi IMO-mit tassalu International Maritime Organization piumasaqaatit naapertorlugit soraarummeertarneranni toqqammaveqarpoq,



Nuuk 8.okt. 2019

UKA 2019/142

Jens Napătôk, Partii Naleraq

taamaasilluni nunarsuarmi imarpissuit taamaasa arfineq marlusut
umiartorfigisinnaanngorlugit angusaqartarlutik.

Taamaammat taamatut umiarsuarmi inuttat ilinniagaqarnermikkut angusimanerminni nuna tamalaani inatsit una periarfissaqarneruleritsisussaanngilaq, taamatut periarfissaqareermata. Allatut paasineqarsinnaasumik Naalakkersuisut ilisimanngisatsinnik ilisimasaqsimappata Naalakkersuisup isumaqarpugut nassiuiaassuteqarfisariaqarai.

Peqqussutissatut siunnersuut uuma saqqummiunneqartup Kalaallit nunatsinni nunap inui periarfissuttussaavaat illerserneqarnerulernissaanik.

Kalaallit umiarsuaasa nunatta imartaaniittut tassalu 200 sømil iluaniittut nalinginnaq pineqarsinnaajunnaarneranik aammalu illersugaallutik pinerqalernissannik una peqqussut aqqutissiuisuussaaq, tamannalu Partii Naleqqamiit naammagisisimaarpalput.

Anordning tassalu peqqussut atuutilersussaq Partii Naleqqamiit uagut misissorluareerlugu Naalakkersuisut paasinninneraniit allaanerusutut paasivarput, tassalu umiarsuarmi sulisut illersugaanerulernissaanik imaqrst.

Kiisami ukiut 40-t qaangiutillartullu umiarsuarmi sulisut illersugaalernissaminnik inatsimmik periarfissaqalerput aammalu umiarsuarnik nammineq nalunaarsuisalernissatsinnut namminerlu imartatsinni nammineq inatsiseqalernissatsinnut alloriarnerit siullit ilagaat.

Taamatut nammineq imartatsinni umiartortutunut umiarsuit nammineq nalunaarsortalernissaanut inatsiseqalernissamik suliuniuteqarnitsinni alloriarnermi Partii Naleqqamiit pingaaruteqartorujussuartut isigaarput pitsaasumik paasititisiniaasoqartuarnissaa.

Taamatullu pingaaruteqarluinnartutut isigaarput ilinniartitaanerup internationalimi tassalu IMO-mi piumasaqaatit ingerlanneqartut inuusuttortatinnut paasititisiniutigalugit ilinniartitaanitta sukumiisumik ingerlatsineqarnera Naalakkersuinikkut suliniuteqarfiquarne-qarfisariaqarnera pingaaruteqarluinnartoq Partii Naleqqamiit isumaqarpugut.

Umiartornermut ilinniartitaaneq nunatsinni nunarsuarmioqatitsinnut ajunngilluinnartumik unammillersinnaalluarluni inissisimalersimavoq, tamanna sukumiisumik ingerlannera suli annertusartuarnera pimooruttariaqarpoq.

Inatsimmi ilaatigut taakkartorneqartoq umiarsuarmi igasoq qallunaat nunaanni ilinniakkat naapertorlugit igasutut naammassisaqarsimanissa, Partii Naleqqamiit Naalakkersuisunut kaammattuutigerusupparput aaqqiiffingeqassasoq nunatsinni igasunngornianut ilinniarfeqareeratta nunarsuarmi piumasaqaatinut naapertuuttumik ilinniartitsinnaanerat



Nuuk 8.okt. 2019

UKA 2019/142

Jens Napătôk, Partii Naleraq

aammalu umiartornermut naleqqussakkamik ilinniartitaasinnaanerit ilanngullugit INUILI suleqatigalugu aqqutissiuisoqarnissa Partii Naleqqammit kaammatuutigissavarput aaqqiffigasuarneqarnissaanik iliuuseqqussallugit.

Nunat sanilerisagut qiviarutigit umiartornikkut imartaminni nammineq inatsiseqarlutik ingerlalersimanerat umiartortut iluaqtigisarpaat, taamatullu ilinniartitaanikkut tukertartut pitsasumik inissismallutik.

Nunatsinni inuusuttortagut maanna umiartornikkut ilinniagaqartut aammalu ilinniareersimasut umiarsuarni nunatsinni pigineqartuni aammalu nunatsinni angalasuni annertunerungaartumik nunatsinneersut atugaanerulerteriaqarput.

Aqumiunut piumasaqaataasoq maannakut 60/40-mut inissimasuuusoq nunatsinnut naleqqussaqittaariartartut ilagilluinnarpaat.

Nunat sanilerisagut piumasararpaat nunaqvissuunissaat, taamaammat uagut naleqqussaaqqinnitsinni piaartumik aqumiut 90/10-mut aaqqeeqqusilluta anngussaqartuarnerput timitalertariaqalerpoq.

Umiartornermut inatsiseqalernissarput ukiorpassuarni amigaataasimavoq, tamanna takutinneqartuarpoq ilaatigut umiarsuarni atorfinititsarnermi atugassarititaasut pitsasuuunnginnerinik oqariartuutaasartut taamatullu qulaajaasarnerit takutittuartarpaat.

Imarsiortortagut pillugit ukiut ingerlaneranni ilungersuuteqartoqartaqaaq umiartornermut inatsiseqalernissaq pillugu soorlu Atorfilit Kattuffiat aamma Aqumiut Peqatigiiffiat iliuuseqartoqarnissaanik piumasaqaateqartuarsimapput

Maannakkut umiartornermut inatsiseqalertussanngorpugut tamannalu umiarsuaatilinnut sullissinissaminut pisussaaffiliissaq. Taamatullu peqatitigisaanik umiartornermut inatsimmi inuttat kikkuugaluartullunniit qaamiugaluarpata aqumiugaluarpataluunnii pisinnaatitaaffii qulakkeerneqartussanngorput illersugaanerusumik inissimalerlutik.

Umiartortut pisinnaatitaaffeqalissapput atorfinitnginnerminni kattuffimmi illersugaallutik atsiorneqarsimasumik isumaqatigiissuteqarlutik pitsasumik toqqammaveqarlutik atorfinitnginnerminni tunaartaqarnerulissapput.

Umiartornermut inatsisissaq aammattaaq pisinnaatitaaffinnik pilerttsiinartussaanngilaq aamma pisussaaffiliivoq. Tamannalu eqqarsaatigalugu umiartortut sukumiisumik ataavartumillu malinnaatittuarlugit naoqquataqartuarnissaat paasuminartumik inatsit imartooq paasuminarsarlugit ilitsersuummik suliarinissa Nunatsinnut naleqqussakkamik Naalakkersuisunut kaammattuutigerusupparput piaartumik suliarissagaat.



partii naleraq

Nuuk 8.okt. 2019

UKA 2019/142

Jens Napătôk, Partii Naleraq

Taamatut Partii Naleqqamiit umiartornermut inatsisseqalernerput nuannaarutigingaarlugu oqaaseqarfigaarput aammalu umiartornermut ingerlatsinerit nunatsinni tiguniarnerannut alloriarnerit ilagilluinnarpaat.

Umiartortortagut ukiorpassuarni illersugaanatik aammalu amigartumik toqqammaveqarlutik pisussaafflersugaasimancerat maanna inatsisitigut toqqammaveqarlutik kissami aaqqiiffingineqarnerat Partii Naleqqamiit nuannaarutigingaarlutigu allorinertut annertuutut isigaarput.

Umiarsuarni inuttat pillugit inatsisip Kalaallit Nunaanni atuutilersinneqarnissaannik peqqussutip Namminersorlutik Oqartussat akuersinissaat pillugu Inatsisartut aalajangiiffigissaattut siunnersuut oqaarseqarficalutigu tapersiilluta oqaaseqaatigullu aapassaaniinnginnerani ataatsimiitaliami suliniarneqasssasoq innersuussutigaarput